

Ch' i t' stime gnanch 'n pluch  
 To Brtromè, ch' rijria  
 S' i t' steisse anstà s' un such !

Risposta di Caterina a Bartolomeo }  
 sull' aria antecedente.

### CANZONE IX.

Aspeta, Brtromè,  
 Cos' astu pensà d' fè,  
 D' voleime piantè li ?  
 No, no, me cheurin bel,  
 Achietta to servel;  
 T' avras pa pr chiteme  
 Un cheur cosi crudel.  
 T' ses bin impassient,  
 Dà temp ampò un moment,  
 T' as pa i Franseis darè;  
 Fin or t' as ciancià ti,  
 Or lasme parlè mi;  
 E veustu nen ch' i pensa  
 A lo ch' i devo di ?  
 Così me sentiment  
 A l' è pa diferent  
 Da coul ch' a sia 'l to;  
 I t' m' as savù andurmi,  
 E cosi bin cuji,  
 Ch' i t' m' oblighe a doveite  
 Pr forza di ch' d' si.  
 D' long ch' i t' ai vist intrè,  
 Mi t' peus assicurè  
 Ch' i son restà ancantà

A segn, ch' i j' eu pa podù  
 Gnanch dite bin vnù,  
 Nè proferì parola,  
 Quandbin j' aveis vojù.

I l' eu pa mai anteis  
 D' voleite tni sospeis;  
 L' è tut descours an van,  
 Ventria bin ch' i fus  
 D' un cheur pi dur ch' un us,  
 Quand i t' voleis nen piete,  
 S' i t' fusse an mes al trus.

Coul di ch' i t' ai vedù  
 I m' son bin pro acorsù,  
 Ch' i t' ses stait pià da bon;  
 E mi pr dite 'l giust,  
 I n' eu senti tant gust,  
 Ch' a par ch' 'l cheur voleissa  
 Surtime dant 'l bust.

I tnia dit tra mi:  
 E chi elo mai coust si  
 Ch' a m' fa tant bei ocin?  
 Che giovo desgagià,  
 Bin fait e bin piantà!  
 J' è gnun ant nost vilagi  
 Così bin arvià.

J' avria mai sognà  
 Ch' i fuss' tant fortunà  
 D' aveje un tal sfojor.  
 Mi t' assicuro bin,  
 Me ciocio e me cheurin,  
 Ch' la goi a m' fa andè tuta  
 An gloria ant un sestin.

Gentil galan ven si  
 A stete apres a mi,  
 Ch' i parlo su 'l serios;

Lo distu pr da bon  
 Ch' i t' abie l' intension  
 D' veuleime pr toa sposa ?  
 Che cara arsolussion !  
 Via là comensme dè  
 Loli ch' ant 'l papè  
 T' as dit ch' i t' m' as portà.  
 Saria un trat vilan  
 Quand j' arfudeis toa man,  
 I veui pa ch' i t' lamente  
 D' aveilo portà an van.  
 Pr coust l' è un bel argal,  
 N' eu mai avune un tal  
 Da tuti i me sfojor.  
 I t' ses bin generos,  
 Amabil e grasios,  
 A j' è nè Re, nè Prinsi  
 D' un cheur cosi grandios.  
 Pr lo ch' l' è dla mia gent  
 Saran pro tuti content,  
 J' è pa da dubità;  
 Così l' afè l' è anteis;  
 Fra quatr o sinchsant meis  
 Ven via ch' acomodroma  
 D' empite 'l cul d' apeis.

**Dialogo sopra il contrasto di due Figlie,  
 che hanno un solo Amante tra tutte due.**

### CANZONE X.

**Sa sa chi l' ha veuja d' rie,**  
 Son bele drolarie  
 Da stampeje,